

(द्वितीयोऽध्यायः ॥ वर्गाः 1-40)

(18)

21

(म.8, अनु.4)

ऋषिः सोभरिः काण्वः छन्दः ककुप् 1,3,5,7,9,11,13,15,17, सतोबृहती 2,4,6,8,10,12,14,16,18  
देवता इन्द्रः 1-16, चित्रः 17-18

व्यमु त्वामपूर्व्यं स्थूरं न कञ्चिद्भरन्तोऽवस्यवः	वाजै चित्रं हवामहे	॥ 1 ॥
उप त्वा कर्मन्वृतये स नो युवोग्रश्चक्राम यो धृषत्		
त्वामिद्धयवितारं ववृमहे सखाय इन्द्र सानसिम		॥ 2 ॥
आ याहीम इन्दुवोऽश्वपते गोपत् उर्वरापते	सोमं सोमपते पिब	॥ 3 ॥
वयं हि त्वा बन्धुमन्तमबन्धवो विप्रास इन्द्र येमिम		
या ते धामानि वृषभ तेभिरा गहि विश्वेभिः सोमपीतये		॥ 4 ॥
सीदन्तस्ते वयो यथा गोश्रीते मधौ मदिरे विवक्षणे	अभि त्वामिन्द्र नोनुमः	॥ 5 ॥
अच्छा च त्वेना नमसा वदामसि किं मुहुश्चिद्वि दीधयः		
सन्ति कामासो हरिवो दुदिष्टं स्मो वयं सन्ति नो धियः		॥ 6 ॥
नूत्वा इदिन्द्र ते व्यमूती अभूम नहि नू ते अद्रिवः	विद्वा पुरा परीणसः	॥ 7 ॥
विद्वा सखित्वमुत शूर भोज्यमा ते ता वज्रिन्नीमहे		
उतो संमस्मिन्ना शिशीहि नो वसो वाजै सुशिप्र गोमति		॥ 8 ॥
यो न इदमिदं पुरा प्र वस्य आनिनायु तमु वः स्तुषे	सखाय इन्द्रमूतये	॥ 9 ॥
हर्यश्चं सत्पतिं चर्षणीसहं स हि ष्मा यो अमन्दत		
आ तु नः स वयति गव्यमश्व्यं स्तोतृभ्यो मघवा शतम्		॥ 10 ॥
त्वया ह स्विद्युजा वयं प्रति श्वसन्तं वृषभ ब्रुवीमहि	संस्थे जनस्य गोमंतः	॥ 11 ॥
जयेम कारे पुरुहूत कारिणोऽभि तिष्ठेम दूढ्यः		
नृभिर्वृत्रं हन्याम शूशुयाम चावेरिन्द्र प्र णो धियः		॥ 12 ॥
अभ्रातृव्यो अना त्वमनापिरिन्द्र जनुषा सनादसि	युधेदापित्वमिच्छसे	॥ 13 ॥
नकी रेवन्तं सुख्याय विन्दसे पीर्यन्ति ते सुराश्वः		
यदा कृणोषि नदनुं समूहस्यादित्पितेव ह्यसे		॥ 14 ॥
मा ते अमाजुरो यथा मूरास इन्द्र सुख्ये त्वावतः	नि षदाम सचा सुते	॥ 15 ॥
मा ते गोदत्र निरराम राधस इन्द्र मा ते गृहामहि		
दृळ्हा चिदुर्यः प्र मृशाभ्या भर न ते दामान आदभै		॥ 16 ॥
इन्द्रो वा घेदियन्मघं सरस्वती वा सुभगा दुदिर्वसु	त्वं वा चित्र दाशुषै	॥ 17 ॥
चित्र इद्राजा राजका इदन्यके युके सरस्वतीमनु		
पर्जन्यैव ततनद्धि वृष्ट्या सहस्रमयुता ददत्		॥ 18 ॥

ऋषिः सोभरिः काण्वः	छन्दः बृहती 1,3,5,7, सतोबृहती 2,4,6,10,14,16,18, अनुष्टुप् 8,	देवता अश्विनौ
ककुप् 9,11,13,15,17, मध्येज्योतिः 12		

ओ त्यमह आ रथमद्या दंसिष्ठमृतये । यमश्विना सुहवा रुद्रवर्तनी आ सूर्यायै तस्थथुः ॥ 1 ॥  
 पूर्वापुषं सुहवं पुरुस्पृहं भुज्युं वाजेषु पूर्व्यम्  
 सचनार्वन्तं सुमतिभिः सोभरे विद्वैषसमनेहसम् ॥ 2 ॥  
 इह त्या पुरुभूतमा देवा नमोभिरश्विना । अर्वाचीना स्ववसे करामहे गन्तारा दाशुषो गृहम् ॥ 3 ॥  
 युवो रथस्य परि चक्रमीयत ईर्मान्यद्वामिषण्यति  
 अस्मां अच्छा सुमतिर्वा शुभस्पती आ धेनुरिव धावतु ॥ 4 ॥  
 रथो यो वां त्रिवन्धुरो हिरण्याभीशुरश्विना  
 परि द्यावापृथिवी भूषति श्रुतस्तेन नासत्या गतम् ॥ 5 ॥  
 दशस्यन्ता मनवे पूर्व्यं दिवि यवं वृकेण कर्षथः  
 ता वामद्य सुमतिभिः शुभस्पती अश्विना प्र स्तुवीमहि ॥ 6 ॥  
 उप नो वाजिनीवसू यातमृतस्य पृथिभिः  
 येभिस्तृक्षि वृषणा त्रासदस्यवं महे क्षत्राय जिन्वथः ॥ 7 ॥  
 अयं वामद्रिभिः सुतः सोमो नरा वृषण्वसू । आ यातं सोमपीतये पिबतं दाशुषो गृहे  
 आ हि रुहतमश्विना रथे कोशे हिरण्यये वृषण्वसू । युञ्जाथां पीवरीरिषः ॥ 9 ॥  
 याभिः पक्थमवथो याभिरधिगुं याभिर्बभुं विजोषसम्  
 ताभिर्नो मक्षू तूर्यमश्विना गतं भिषज्यतं यदातुरम् ॥ 10 ॥  
 यदधिगावो अधिगू इदा चिदहो अश्विना हवामहे । वयं गीर्भिर्विपन्यवः ॥ 11 ॥  
 ताभिरा यातं वृषणोप मे हवं विश्वप्सुं विश्ववार्यम्  
 इषा मंहिष्ठा पुरुभूतमा नरा याभिः क्रिविं वावृधुस्ताभिरा गतम् ॥ 12 ॥  
 ताविदा चिदहानां तावश्विना वन्दमान् उप ब्रुवे । ता ऊ नमोभिरीमहे ॥ 13 ॥  
 ताविद्वोषा ता उषसि शुभस्पती ता यामन्नुद्रवर्तनी  
 मा नो मर्ताय रिपवे वाजिनीवसू पुरो रुद्रावति ख्यतम् ॥ 14 ॥  
 आ सुगम्याय सुगम्यं प्राता रथेनाश्विना वा सुक्षणी । हुवे पितेव सोभरी ॥ 15 ॥  
 मनोजवसा वृषणा मदच्युता मक्षुंगमाभिरुतिभिः  
 आरात्ताच्चिद्भूतमस्मे अवसे पूर्वीभिः पुरुभोजसा ॥ 16 ॥  
 आ नो अश्वावदश्विना वर्तिर्यासिष्टं मधुपातमा नरा । गोमदस्त्रा हिरण्यवत् ॥ 17 ॥  
 सुप्रावर्ग सुवीर्यं सुष्ठु वार्यमनाधृष्टं रक्षस्विना  
 अस्मिन्ना वामायाने वाजिनीवसू विश्वा वामानि धीमहि ॥ 18 ॥

ऋषिः विश्वमनाः वैयश्वः

छन्दः उष्णिक्

देवता अग्निः

ईळिष्वा हि प्रतीव्यं यजस्व जातवैदसम्	चरिष्णुधूमगृभीतशोचिषम्	॥ 1 ॥
दामानं विश्वचर्षणेऽग्निं विश्वमनो गिरा	उत स्तुषे विष्वर्धसो रथानाम्	॥ 2 ॥
येषामाबाध ऋग्मियं इषः पृक्षश्च निग्रभे	उपविदा वह्निर्विन्दते वसु	॥ 3 ॥
उदस्य शोचिरस्थाद्दीदियुषो व्यंजरम्	तपुर्जम्भस्य सुद्युतो गणश्रियः	॥ 4 ॥
उदु तिष्ठ स्वध्वर स्तवानो देव्या कृपा	अभिख्या भासा बृहता शुशुक्निः	॥ 5 ॥
अग्रे याहि सुशस्तिभिर्हव्या जुह्वान आनुषक्	यथा दूतो बभूथ हव्यवाहनः	॥ 6 ॥
अग्निं वः पूर्यं हुवे होतारं चर्षणीनाम्	तमया वाचा गृणे तमु वः स्तुषे	॥ 7 ॥
यज्ञेभिरद्भुतक्रतुं यं कृपा सुदयन्त इत्	मित्रं न जने सुधितमृतावनि	॥ 8 ॥
ऋतावानमृतायवो यज्ञस्य साधनं गिरा	उपो एनं जुजुषुर्नर्मसस्पदे	॥ 9 ॥
अच्छा नो अङ्गिरस्तमं यज्ञासो यन्तु संयतः	होता यो अस्ति विक्ष्वा यशस्तमः	॥ 10 ॥
अग्रे तव त्वे अजुरेन्धानासो बृहद्भाः	अश्वाइव वर्षणस्तविषीयवः	॥ 11 ॥
स त्वं न ऊर्जा पते रयिं रास्व सुवीर्यम्	प्रावं नस्तोके तनये समत्स्वा	॥ 12 ॥
यद्वा उ विश्वपतिः शितः सुप्रीतो मनुषो विशि	विश्वेदग्निः प्रति रक्षांसि सेधति	॥ 13 ॥
श्रुष्ट्यग्रे नवस्य मे स्तोमस्य वीर विश्वपते	नि मायिनस्तपुषा रक्षसो दह	॥ 14 ॥
न तस्य मायया च न रिपुरीशीत् मर्त्यः	यो अग्रये ददाश हव्यदातिभिः	॥ 15 ॥
व्यश्वस्त्वा वसुविदमुक्षुप्युरप्रीणादृषिः	महो राये तमु त्वा समिधीमहि	॥ 16 ॥
उशाना काव्यस्त्वा नि होतारमसादयत्	आयजि त्वा मनवे जातवैदसम्	॥ 17 ॥
विश्वे हि त्वा सजोषसो देवासो दूतमक्रत	श्रुष्टी देव प्रथमो यज्ञियो भुवः	॥ 18 ॥
इमं घा वीरो अमृतं दूतं कृण्वीत् मर्त्यः	पावकं कृष्णवर्तनिं विहायसम्	॥ 19 ॥
तं हुवेम यत्सुचः सुभासं शुक्रशोचिषम्	विशामग्निमजरं प्रत्नमीड्यम्	॥ 20 ॥
यो अस्मै हव्यदातिभिराहुतिं मतोऽविधत्	भूरि पोषं स धत्ते वीरवृद्यशः	॥ 21 ॥
प्रथमं जातवैदसमग्निं यज्ञेषु पूर्यम्	प्रति सुगैति नर्मसा हविष्मती	॥ 22 ॥
आभिर्विधेमाग्रये ज्येष्ठाभिर्व्यश्ववत्	मंहिष्ठाभिर्मतिभिः शुक्रशोचिषे	॥ 23 ॥
नूनमर्च विहायसे स्तोमैभिः स्थूरयूपवत्	ऋषे वैयश्व दम्यायाग्रये	॥ 24 ॥
अतिथिं मानुषाणां सूनुं वनस्पतीनाम्	विप्रा अग्निमवसे प्रत्नमीळते	॥ 25 ॥
महो विश्वा अभि षतोऽभि हव्यानि मानुषा	अग्रे नि षत्सि नमसाधि बर्हिषि	॥ 26 ॥
वंस्वा नो वार्या पुरु वंस्व रायः पुरुस्पृहः	सुवीर्यस्य प्रजावतो यशस्वतः	॥ 27 ॥
त्वं वरो सुषाम्णेऽग्रे जनाय चोदय	सदा वसो रतिं यविष्ठ शश्वते	॥ 28 ॥
त्वं हि सुप्रतूरसि त्वं नो गोमतीरिषः	महो रायः सातिमग्रे अपा वृधि	॥ 29 ॥
अग्रे त्वं यशा अस्या मित्रावरुणा वह	ऋतावाना सम्राजा पूतदक्षसा	॥ 30 ॥

ऋषिः विश्वमनाः वैश्वः छन्दः उष्णिक् 1-29, अनुष्टुप् 30 देवता इन्द्रः 1-27, वरुः सौषाम्निः 28-30

सखायु आ शिषामहि ब्रह्मेन्द्राय वृज्रिणे	स्तुष ऊ षु वो नृतमाय धृष्णवे	॥ 1 ॥
शवसा ह्यसि श्रुतो वृत्रहत्येन वृत्रहा	मधैर्मघोनो अति शूर दाशसि	॥ 2 ॥
स नः स्तवान् आ भर रयिं चित्रश्रवस्तमम्	निरेके चिद्यो हरिवो वसुर्दुदिः	॥ 3 ॥
आ निरेकमुत् प्रियमिन्द्र दर्षि जनानाम्	धृषता धृष्णो स्तवमान् आ भर	॥ 4 ॥
न ते सव्यं न दक्षिणं हस्तं वरन्त आमुः	न परिबाधो हरिवो गविष्टिषु	॥ 5 ॥
आ त्वा गोभिरिव वृजं गीर्भिक्रणोम्यद्विवः	आ स्मा कामं जरितुरा मनः पृण	॥ 6 ॥
विश्वानि विश्वमनसो धिया नो वृत्रहन्तम	उग्रं प्रणेतुरधि षू वसो गहि	॥ 7 ॥
व्यं ते अस्य वृत्रहन्विद्याम शूर नव्यसः	वसोः स्पर्हस्य पुरुहूत् राधसः	॥ 8 ॥
इन्द्र यथा ह्यस्ति तेऽपरीतं नृतो शवः	अमृक्ता रातिः पुरुहूत् दाशुषे	॥ 9 ॥
आ वृषस्व महामह महे नृतम् राधसे	दृळ्श्चिद्दृह्य मघवन्मघत्तये	॥ 10 ॥
नू अन्यत्रा चिदद्रिवस्त्वन्नो जग्मुराशसः	मघवञ्छग्धि तव तन्न ऊतिभिः	॥ 11 ॥
नह्यङ्ग नृतो त्वदन्यं विन्दामि राधसे	राये द्युम्नाय शवसे च गिर्वणः	॥ 12 ॥
एन्दुमिन्द्राय सिञ्चत् पिबाति सोम्यं मधु	प्र राधसा चोदयाते महित्वना	॥ 13 ॥
उपो हरीणां पतिं दक्षं पृञ्चन्तमब्रवम्	नूनं श्रुधि स्तुवतो अश्व्यस्य	॥ 14 ॥
नह्यङ्ग पुरा च न जज्ञे वीरतरस्त्वत्	नकीं राया नैवथा न भन्दना	॥ 15 ॥
एदु मध्वो म्दिन्तरं सिञ्च वाध्वर्यो अन्धसः	एवा हि वीरः स्तवते सदावृधः	॥ 16 ॥
इन्द्रं स्थातर्हरीणां नकिष्टे पूर्व्यस्तुतिम्	उदानंश शवसा न भन्दना	॥ 17 ॥
तं वो वाजानां पतिमहूमहि श्रवस्यवः	अप्रायुभिर्यज्ञेभिर्वावृधेन्यम्	॥ 18 ॥
एतो न्विन्द्रं स्तवाम् सखायुः स्तोम्यं नरम्	कृष्टीर्यो विश्वा अभ्यस्त्येक इत्	॥ 19 ॥
अगौरुधाय गविषे द्युक्षाय दस्म्यं वचः	घृतात्स्वादीयो मधुनश्च वोचत	॥ 20 ॥
यस्यामितानि वीर्यां न राधुः पर्येतवे	ज्योतिर्न विश्वमभ्यस्ति दक्षिणा	॥ 21 ॥
स्तुहीन्द्रं व्यश्वदनीमि वाजिनं यमम्	अर्यो गयं मंहमानं वि दाशुषे	॥ 22 ॥
एवा नूनमुप स्तुहि वैर्यश्व दशमं नवम्	सुविद्वांसं चर्कृत्यं चरणीनाम्	॥ 23 ॥
वेत्था हि निरृतीनां वज्रहस्त परिवृजम्	अहरहः शुन्ध्युः परिपदामिव	॥ 24 ॥
तदिन्द्राव् आ भर येना दंसिष्ट कृत्वने	द्विता कुत्साय शिश्रथो नि चोदय	॥ 25 ॥
तमु त्वा नूनमीमहे नव्यं दंसिष्ट सन्यसे	स त्वं नो विश्वा अभिमातीः सृक्षणिः	॥ 26 ॥
य ऋक्षादहंसो मुचद्यो वार्यात्सप्त सिन्धुषु	वर्धदासस्य तुविनृम्ण नीनमः	॥ 27 ॥
यथा वरो सुषाम्णे सनिभ्य आर्वहो रयिम्	व्यश्वेभ्यः सुभगे वाजिनीवति	॥ 28 ॥
आ नार्यस्य दक्षिणा व्यश्वो एतु सोमिनः	स्थूरं च राधः शतवत्सहस्रवत्	॥ 29 ॥

यत्त्वा पृच्छादीजानः कुहया कुहयाकृते

| एषो अपश्रितो वृलो गोमतीमव तिष्ठति || 30 ||

(24)

25

(म.8, अनु.4)

ऋषिः विश्वमनाः वैयश्वः छन्दः उष्णिक् 1-22,24, उष्णिग्गर्भा 23 देवता मित्रावरुणौ 1-9,13-24,  
विश्वे देवाः 10-12

ता वां विश्वस्य गोपा देवा देवेषु यज्ञिया	ऋतावाना यजसे पूतदक्षसा	1
मित्रा तना न रथ्या वरुणो यश्च सुक्रतुः	सनात्सुजाता तनया धृतव्रता	2
ता माता विश्ववैदसासुर्याय प्रमहसा	मही जज्ञानादितिऋतावरी	3
महान्ता मित्रावरुणा सम्राजा देवावसुरा	ऋतावानावृतमा घोषतो बृहत्	4
नपाता शर्वसो महः सूनू दक्षस्य सुक्रतू	सप्रदानू इषो वास्त्वधि क्षितः	5
सं या दानूनि येमथुर्दिव्याः पार्थिवीरिषः	नभस्वतीरा वां चरन्तु वृष्टयः	6
अधि या बृहतो दिवोर्भेभ्युथेव पश्यतः	ऋतावाना सम्राजा नमसे हिता	7
ऋतावाना नि षेदतुः साम्राज्याय सुक्रतू	धृतव्रता क्षत्रिया क्षत्रमाशतुः	8
अक्ष्णश्चिद्गातुवित्तरानुल्बणेन चक्षसा	नि चिन्मिषन्ता निचिरा नि चिक्वतुः	9
उत नो देव्यदितिरुष्यतां नासत्या	उरुष्यन्तु मरुतो वृद्धशवसः	10
ते नो नावमुरुष्यत दिवा नक्तं सुदानवः	अरिष्यन्तो नि पायुभिः सचेमहि	11
अघ्नते विष्णावे व्यमरिष्यन्तः सुदानवे	श्रुधि स्वयावन्तिसन्धो पूर्वचित्तये	12
तद्वार्यं वृणीमहे वरिष्ठं गोपयत्यम्	मित्रो यत्पान्ति वरुणो यदर्यमा	13
उत नः सिन्धुरपां तन्मरुतस्तदश्विना	इन्द्रो विष्णुर्मीद्वंसः सजोषसः	14
ते हि ष्मा वनुषो नरोऽभिमातिं कर्यस्य चित्	तिमं न क्षोदः प्रतिघ्नन्ति भूर्णयः	15
अयमेक इत्था पुरूरु चष्टे वि विश्वपतिः	तस्य व्रतान्यनु वश्वरामसि	16
अनु पूर्वाण्योक्या साम्राज्यस्य सश्विम	मित्रस्य व्रता वरुणस्य दीर्घश्रुत्	17
परि यो रश्मिना दिवोऽन्तान्ममे पृथिव्याः	उभे आ पप्रौ रोदसी महित्वा	18
उदु ष्य शरणे दिवो ज्योतिरयंस्तु सूर्यः	अग्निर्न शुक्रः समिधान आहुतः	19
वचो दीर्घप्रसन्ननीशे वाजस्य गोमतः	ईशे हि पित्वोऽविषस्य दावनै	20
तत्सूर्यं रोदसी उभे दोषा वस्तोरुपं ब्रुवे	भोजेष्वस्मां अभ्युच्चरा सदा	21
ऋञ्जमुक्षण्यायने रजतं हरयाणे	रथं युक्तमसनाम सुषामणि	22
ता मे अश्व्यानां हरीणां नितोशना	उतो नु कृत्व्यानां नृवाहसा	23
स्मदभीशू कशावन्ता विप्रा नविष्ठया मती	महो वाजिनावर्वन्ता सचासनम्	24

ऋषिः विश्वमनाः वैश्वः, व्यश्वः आङ्गिरसः वा  
गायत्री 16-19,21,25, अनुष्टुप् 20

छन्दः उष्णिक् 1-15,22-24,  
देवता अश्विनौ 1-19, वायुः 20-25

युवोरु षू रथं हुवे सुधस्तुत्याय सूरिषु	अतूर्तदक्षा वृषणा वृषण्वसू	1
युवं वरो सुषाम्णो महे तने नासत्या	अवोभिर्याथो वृषणा वृषण्वसू	2
ता वामद्य हवामहे हव्येभिर्वाजिनीवसू	पूर्वोरिष इषयन्तावति क्षपः	3
आ वां वाहिष्ठो अश्विना रथो यातु श्रुतो नरा	उप स्तोमान्तुरस्य दर्शथः श्रिये	4
जुहुराणा चिदश्विना मन्येथां वृषण्वसू	युवं हि रुद्रा पर्षथो अति द्विषः	5
दस्ना हि विश्वमानुषङ्गक्षूभिः परिदीयथः	धियंजिन्वा मधुवर्णा शुभस्पती	6
उप नो यातमश्विना राया विश्वपुषा सह	मघवाना सुवीरावनपच्युता	7
आ मे अस्य प्रतीव्यशमिन्द्रनासत्या दतम्	देवा देवेभिरद्य सचनस्तमा	8
वयं हि वां हवामहे उक्षण्यन्तो व्यश्ववत्	सुमतिभिरुप विप्राविहा गतम्	9
अश्विना स्वृषे स्तुहि कुवित्ते श्रवतो हवम्	नेदीयसः कूळयातः पूर्णरुत	10
वैश्वस्य श्रुतं नरोतो मे अस्य वैदथः	सजोषसा वरुणो मित्रो अर्यमा	11
युवादत्तस्य धिष्यया युवानीतस्य सूरिभिः	अहरहर्वृषणा मह्यं शिक्षतम्	12
यो वां यज्ञेभिरावृतोऽधिवस्रा वधूरिव	सपर्यन्ता शुभे चक्राते अश्विना	13
यो वामुरुव्यचस्तमं चिकेतति नृपाय्यम्	वर्तिरश्विना परि यातमस्म्यु	14
अस्मभ्यं सु वृषण्वसू यातं वर्तिनृपाय्यम्	विषुद्रुहेव यज्ञमूहथुर्गिरा	15
वाहिष्ठो वां हवानां स्तोमो दूतो हुवन्नरा	युवाभ्यां भूत्वश्विना	16
यददो दिवो अर्णव इषो वा मदथो गृहे	श्रुतमिन्मे अमर्त्या	17
उत स्या श्वेतयावरी वाहिष्ठा वां नदीनाम्	सिन्धुर्हिरण्यवर्तनिः	18
स्मदेतया सुक्रीत्याश्विना श्वेतया धिया	वहैथे शुभ्रयावाना	19
युक्ष्वा हि त्वं रथासहा युवस्व पोष्या वसो	आत्रो वायो मधु पिबास्माकं सवना गहि	20
तव वायवृतस्पते त्वष्टुर्जामातरद्भुत	अवास्या वृणीमहे	21
त्वष्टुर्जामातरं वयमीशानं राय ईमहे	सुतावन्तो वायुं द्युम्ना जनासः	22
वायो याहि शिवा दिवो वहस्वा सु स्वश्व्यम्	वहस्व महः पृथुपक्षसा रथे	23
त्वां हि सुप्सरस्तमं नृषदनेषु हूमहे	ग्रावाणं नाश्वपृष्ठं मंहना	24
स त्वं नो देव मनसा वायो मन्दानो अग्रियः	कृधि वाजो अपो धियः	25

ऋषिः मनुः वैवस्वतः  
सतोबृहती 2,4,6,8,10,12,14,16,18,20,22

छन्दः बृहती 1,3,5,7,9,11,13,15,17,19,21,  
देवता विश्वे देवाः

अग्रिरुक्थे पुरोहितो ग्रावाणो बृहिरध्वरे	
ऋचा यामि मरुतो ब्रह्मणस्पतिं देवाँ अवो वरेण्यम्	1
आ पशुं गांसि पृथिवीं वनस्पतीनुषासा नक्तमोषधीः	

विश्वे च नो वसवो विश्ववेदसो धीनां भूत प्रावितारः	॥ 2 ॥
प्र सू न एत्वध्वरोऽग्रा देवेषु पूर्यः	
आदित्येषु प्र वरुणे धृतव्रते मरुत्सु विश्वभानुषु	॥ 3 ॥
विश्वे हि ष्मा मनवे विश्ववेदसो भुवन्वृधे रिशादसः	
अरिष्टेभिः प्रायुभिर्विश्ववेदसो यन्ता नोऽवृकं छर्दिः	॥ 4 ॥
आ नो अद्य समनसो गन्ता विश्वे सजोषसः	
ऋचा गिरा मरुतो देव्यदिते सदने पस्त्ये महि	॥ 5 ॥
अभि प्रिया मरुतो या वो अश्व्या हव्या मित्र प्रयाथन	
आ बर्हिरिन्द्रो वरुणस्तुरा नर आदित्यासः सदन्तु नः	॥ 6 ॥
व्यं वो वृक्तबर्हिषो हितप्रयस आनुषक्	
सुतसोमासो वरुण हवामहे मनुष्वदिद्धाग्रयः	॥ 7 ॥
आ प्र यातु मरुतो विष्णो अश्विना पूषन्माकीनया धिया	
इन्द्र आ यातु प्रथमः सनिष्युभिर्वृषा यो वृत्रहा गृणे	॥ 8 ॥
वि नो देवासो अद्भुहोऽच्छिद्रं शर्म यच्छत	
न यद्वुराद्वसवो नू चिदन्तितो वरुथमादुधर्षति	॥ 9 ॥
अस्ति हि वः सजात्यं रिशादसो देवासो अस्त्याप्यम्	
प्र णः पूर्वस्मै सुवितार्य वोचत मक्षू सुम्राय नव्यसे	॥ 10 ॥
इदा हि व उपस्तुतिमिदा वामस्य भक्तये	
उप वो विश्ववेदसो नमस्युरा असृक्ष्यन्यामिव	॥ 11 ॥
उदु ष्य वः सविता सुप्रणीतयोऽस्थादूर्ध्वो वरेण्यः	
नि द्विपादश्चतुष्पादो अर्थिनोऽविश्रन्पतयिष्णवः	॥ 12 ॥
देवंदेवं वोऽवसे देवंदेवमभिष्टये	
देवंदेवं हुवेम वाजसातये गृणन्तो देव्या धिया	॥ 13 ॥
देवासो हि ष्मा मनवे समन्यवो विश्वे साकं सरातयः	
ते नो अद्य ते अपरं तुचे तु नो भवन्तु वरिवोविदः	॥ 14 ॥
प्र वः शंसाम्यद्बुहः संस्थ उपस्तुतीनाम्	
न तं धूर्तिर्वरुण मित्र मर्त्यं यो वो धामभ्योऽविधत्	॥ 15 ॥
प्र स क्षयं तिरते वि म्हीरिषो यो वो वराय दाशति	
प्र प्रजाभिर्जायते धर्मणस्प्यरिष्टः सर्व एधते	॥ 16 ॥
ऋते स विन्दते युधः सुगेभिर्यात्यध्वनः	
अर्यमा मित्रो वरुणः सरातयो यं त्रायन्ते सजोषसः	॥ 17 ॥
अज्रे चिदस्मै कृणुथा न्यञ्जनं दुर्गे चिदा सुसरणम्	
एषा चिदस्मादशनिः पुरो नु सास्त्रेधन्ती वि नश्यतु	॥ 18 ॥
यदद्य सूर्य उद्यति प्रियक्षत्रा ऋतं दध	
यन्निमुचिं प्रबुधि विश्ववेदसो यद्वा म्ध्यंदिने दिवः	॥ 19 ॥
यद्वाभिपित्वे असुरा ऋतं यते छर्दिर्येम वि दाशुषे	
व्यं तद्वो वसवो विश्ववेदस उप स्थेयाम् मध्य आ	॥ 20 ॥

यद्दद्य सूर उदिते यन्मध्यंदिन आतुचि |  
 वामं धृत्य मनवे विश्ववेदसो जुह्वानाय प्रचेतसे || 21 ||  
 वयं तद्वः सम्राज् आ वृणीमहे पुत्रो न बहुपाय्यम् |  
 अश्याम् तदादित्या जुह्वतो हविर्येन वस्योऽनशामहे || 22 ||

(5) **28** (म.8, अनु.4)

ऋषिः मनुः वैवस्वतः छन्दः गायत्री 1-3,5, पुरउष्णिक् 4 देवता विश्वे देवाः

ये त्रिंशति त्रयस्पुरो देवासो बहिरासदन् | विदन्नहं द्वितासनन् || 1 ||  
 वरुणो मित्रो अर्युमा स्मद्रातिषाचो अग्रयः | पत्नीवन्तो वर्षङ्कताः || 2 ||  
 ते नो गोपा अपाच्यास्त उदक्त इत्था न्यक् | पुरस्तात्सर्वया विशा || 3 ||  
 यथा वशन्ति देवास्तथेदसुत्तदैषां नकिरा मिनत् | अरावा च न मर्त्यः || 4 ||  
 सप्तानां सप्त ऋष्टयः सप्त द्युम्नान्येषाम् | सप्तो अधि श्रियो धिरे || 5 ||

(10) **29** (म.8, अनु.4)

ऋषिः मनुः वैवस्वतः, कश्यपः मारीचः वा छन्दः द्विपदा विराट् देवता विश्वे देवाः

बभुरेको विषुणः सूनरो युवाञ्ज्यङ्गे हिरण्ययम् || 1 ||  
 योनिमेक आ संसाद् द्योतनोऽन्तर्देवेषु मेधिरः || 2 ||  
 वाशीमेको बिभर्ति हस्त आयसीमन्तर्देवेषु निधुविः || 3 ||  
 वज्रमेको बिभर्ति हस्त आहितं तेन वृत्राणि जिघ्रते || 4 ||  
 तिग्ममेको बिभर्ति हस्त आयुधं शुचिरुग्रो जलाषभेषजः || 5 ||  
 पथ एकः पीपाय तस्करो यथा एष वैद निधीनाम् || 6 ||  
 त्रीण्येक उरुगायो वि चक्रमे यत्र देवासो मदन्ति || 7 ||  
 विभिर्द्वा चरत् एकया सह प्र प्रवासेव वसतः || 8 ||  
 सदो द्वा चक्राते उपमा दिवि सम्राजा सर्पिरासुती || 9 ||  
 अर्चन्त एके महि साम मन्वत् तेन सूर्यमरोचयन् || 10 ||

(4) **30** (म.8, अनु.4)

ऋषिः मनुः वैवस्वतः छन्दः गायत्री 1, पुरउष्णिक् 2, बृहती 3, अनुष्टुप् 4 देवता विश्वे देवाः

नहि वो अस्त्यर्भको देवासो न कुमारकः | विश्वे सतोमहान्त इत् || 1 ||  
 इति स्तुतासो असथा रिशादसो ये स्थ त्रयश्च त्रिंशच्च | मनोर्देवा यज्ञियासः || 2 ||  
 ते नस्त्राध्वं तेऽवत् त उ नो अधि वोचत।मा नः पथः पितृन्मान्वादधि दूरं नैष्ट परावतः || 3 ||  
 ये देवास इह स्थन् विश्वे वैश्वानरा उत | अस्मभ्यं शर्म सप्रथो गवेऽश्वाय यच्छत || 4 ||

(18) **31** (म.8, अनु.5)

ऋषिः मनुः वैवस्वतः छन्दः गायत्री 1-8,11-13, अनुष्टुप् 9,14, पादनित् 10, पङ्क्तिः 15-18  
 देवता यज्ञः यजमानः च 1-4, दम्पती 5-9, दंपत्याशिषः 10-18

यो यजाति यजात् इत्सुनवञ्च पचाति च | ब्रह्मेदिन्द्रस्य चाकनत् || 1 ||

पुरोळाशं यो अस्मै सोमं ररत आशिरम्	पादित्तं शक्रो अंहसः	॥ 2 ॥
तस्य द्युमां असद्रथो देवजूतः स शूशुवत्	विश्वा वन्वन्नमित्रिया	॥ 3 ॥
अस्य प्रजावती गृहेऽसञ्चन्ती दिवेदिवे	इळा धेनुमती दुहे	॥ 4 ॥
या दंपती समनसा सुनुत आ च धावतः	देवासो नित्ययाशिरा	॥ 5 ॥
प्रति प्राशव्याँ इतः सम्यञ्चा बर्हिराशाते	न ता वाजेषु वायतः	॥ 6 ॥
न देवानामपि हृतः सुमतिं न जुगुक्षतः	श्रवो बृहद्विवासतः	॥ 7 ॥
पुत्रिणा ता कुमारिणा विश्वमायुर्व्यश्रुतः	उभा हिरण्यपेशसा	॥ 8 ॥
वीतिहोत्रा कृतद्वसू दशस्यन्तामृताय कम्	समूधो रोमशं हतो देवेषु कृणुतो दुवः	॥ 9 ॥
आ शर्म पर्वतानां वृणीमहे नदीनाम्	आ विष्णोः सचाभुवः	॥ 10 ॥
ऐतु पूषा रयिर्भगः स्वस्ति सर्वधातमः	उरुध्वा स्वस्तये	॥ 11 ॥
अरमतिरनर्वणो विश्वो देवस्य मनसा	आदित्यानामनेह इत्	॥ 12 ॥
यथा नो मित्रो अर्यमा वरुणः सन्ति गोपाः	सुगा ऋतस्य पन्थाः	॥ 13 ॥
अग्निं वः पूर्य गिरा देवमीळे वसूनाम्	सपर्यन्तः पुरुप्रियं मित्रं न क्षेत्रसाधसम्	॥ 14 ॥
मक्षू देववतो रथः शूरो वा पृत्सु कासु चित्		
देवानां य इन्मनो यजमान् इयक्षत्यभीदयज्वनो भुवत्		॥ 15 ॥
न यजमान रिष्यसि न सुन्वान् न देवयो		
देवानां य इन्मनो यजमान् इयक्षत्यभीदयज्वनो भुवत्		॥ 16 ॥
नकिष्टं कर्मणा नशन्न प्र योषन्न योषति		
देवानां य इन्मनो यजमान् इयक्षत्यभीदयज्वनो भुवत्		॥ 17 ॥
असुदत्रं सुवीर्यमुत त्यदाश्वश्र्यम्।देवानां य इन्मनो यजमान् इयक्षत्यभीदयज्वनो भुवत्		॥ 18 ॥

| इति षष्ठाष्टके द्वितीयोऽध्यायः समाप्तः ।